

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԾՐԱԳՐԱՅԻՆ ԱՊԱՀՈՎՄԱՆ ՍՊԱՍԱՐԿՄԱՆ
ԾԱՌԱՅՈՒԹՅՈՒՆՆԵՐԻ («ԴԱՏԱԿԱՆ ՀԱՄԱԿԱՐԳ» ՀԱՄԱԿԱՐԳՉԱՅԻՆ ԾՐԱԳՐԻ (CAST)
ՍՊԱՍԱՐԿՄԱՆ ԾԱՌԱՅՈՒԹՅՈՒՆՆԵՐԻ) ՄԱՏՈՒՑՄԱՆ
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ
N «ԴԴ-ՄԱԾՁԲ-23/21»**

ք. Երևան

« 22 » հունիս 2023 թ.

Դատական ղեկարտամենտը, ի դեմս ղեկավարի պարտականությունները կատարող Ն. Գալստյանի, որը գործում է Դատական ղեկարտամենտի կանոնադրության հիման վրա (այսուհետ՝ Պատվիրատու), մի կողմից, և «ՄԵՅՍԻՍ ԻՆՖՈՐՄԵՅՇՆ ՍԻՍԹԵՄՍ» ՍՊԸ-ն, ի դեմս տնօրեն Ա. Մանուկյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է ծրագրային ապահովման սպասարկման ծառայությունների («Դատական համակարգ» համակարգչային ծրագրի (CAST) սպասարկման ծառայությունների) մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջներին:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը:

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը:

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը:

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս կողմից մատուցված պատշաճ ծառայության դիմաց վճարման ենթակա գումարները, իսկ վճարան ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.3 Կատարողն իրավունք ունի՝

2.3.1 Պատվիրատուից պահանջել վճարելու պատշաճ մատուցված ծառայության դիմաց վճարման ենթակա գումարները, իսկ Պատվիրատուի կողմից պայմանագրի 4.2 կետում նշված վճարման ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.4 Կատարողը պարտավոր է՝

2.4.1 Պայմանագրի N 1 հավելվածով սահմանված պայմաններով ապահովել ծառայության պատշաճ մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1) և հանձնման-ընդունման արձանագրության 2 օրինակ (հավելված N 3):

3.2 Հանձնման-ընդունման արձանագրությունն ստորագրվում է, եթե մատուցված ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրությունը չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար պայմանագրով նախատեսված միջոցները.

բ) Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ ծառայությունը չընդունելու պատճառաբանված մերժումը:

3.4 Եթե պայմանագրի 3.3 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է 15 000 000 (տասնհինգ միլիոն) ՀՀ դրամ, ներառյալ ԱԱՀ-ն:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է պայմանագրի 3-րդ բաժնով նախատեսված կարգով ընդունելու դեպքում՝ ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին, բայց ոչ ուշ, քան մինչև տվյալ տարվա դեկտեմբերի 28-ը:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն սահմանված ժամկետում չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորություններն ամբողջությամբ և պատշաճ՝ պայմանագրով սահմանված պահանջներին համապատասխան կատարելուց:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրի պայմանները նկարագիր 1-ում ներկայացված ծառայության մատուցման մասով կիրառվում են մինչև պայմանագիրն ուժի մեջ մտնելը՝ 02.06.2023 թ.-ից կողմերի միջև փաստացի ծագած հարաբերությունների նկատմամբ: Ընդ որում, մինչև պայմանագիր կնքվելը Կատարողի կողմից մատուցված նկարագիր 1-ում ներկայացված ծառայության դիմաց վճարումն իրականացվում է պայմանագիրը ՀՀ ֆինանսների նախարարության կողմից հաշվառված լինելու դեպքում /հիմք՝ ՀՀ կառավարության 01.06.2023թ. թիվ 867-Ն որոշում/:

Նկարագիր 2-ում և նկարագիր 3-ում ներկայացված ծառայությունների մատուցման մասով պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի գրավոր առաջարկի առկայության դեպքում՝ պայմանով, որ Պատվիրատուի համար ծառայության մատուցման պահանջը չի վերացել, իսկ Կատարողի գրավոր առաջարկը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 7 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավելի, քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման շրջանակներից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն ուղարկում է նաև Կատարողի էլեկտրոնային փոստին:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

7.11 Սույն պայմանագիրը կազմված է 17 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պ Ա Տ Վ Ի Ր Ա Տ ՈՒ

Դավրական դեպարտամենտ

Հասցե՝ ք. Երևան, Կորյունի 15/1

ՀՎՀՀ՝ 02583241

Հ/Հ՝ 90001192151

ՀՀ ՖՆ գործառնական վարչություն

Ղեկավարի պարտականությունները
կատարող Ե. Գալստյան

(ստորագրություն)

Կ.Տ.

Կ Ա Տ Ա Ր Ո Ղ

«ՄԵՅՄԻՍ ԻՆՖՈՐՄԵՅՇՆ ՍԻՍԹԵՄՍ» ՍՊԸ

Հասցե՝ ք. Երևան, Արաբկիր 25փ. 25տ.

ՀՎՀՀ՝ 01555207

Հ/Հ՝ 1570003653770100

«ԱՄԵՐԻԱԲԱՆԿ» ՓԲԸ

Տնօրեն՝ Ա. Մանուկյան

(ստորագրություն)

Կ.Տ.

INFORMATION
SYSTEMS
01555207

ՏԵԽՆԻԿԱԿԱՆ ԲՆՈՒԹԱԳԻՐ - ՓՆՄԱՆ ՔԱՄԱՆԱԿԱՑՈՒՅՑ

ՀՀ դրամ								
Ծառայություն								
չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	տեխնիկական բնութագիրը	չափման միավորը	առավելագույն գինը /ՀՀ դրամ	ընդհանուր քանակը	մատուցման	
							հասցեն	Ժամկետը
1	72261160/1	Ծրագրային ապահովման սպասարկման ծառայություններ (CAST)	«Դատական համակարգ» համակարգչային ծրագրի (CAST) սպասարկման ծառայություններ (կից՝ տեխնիկական բնութագիրը)	դրամ	15 000 000 (գնացուցակը կցված է)*	1	Ձեռքբերվող ծառայության նկարագիր 1, 2, 3-ում	Ձեռքբերվող ծառայության նկարագիր 1, 2, 3-ում

ՏԵԽՆԻԿԱԿԱՆ ԲՆՈՒԹԱԳԻՐ

Նկարագիր 1 ձեռքբերվող ծառայության

1. Գործերի բաշխումը պետք է կատարվի առանց գործերի մուտքագրման հաջորդականությունը հաշվի առնելու:
2. Բաշխված գործերի միջին քանակի համահարթեցումը պետք է կատարվի ներդրման օրվանից հաջորդող մեկ տարվա ընթացքում՝ ըստ տրամադրված Պատվիրատուի կողմից տրամադրված՝ ծանրաբեռնվածության աղյուսակի: Աղյուսակը պետք է պարունակի ներդրման օրվա դրությամբ դատավորների ծանրաբեռնվածության սկզբնաթվերը:
3. Գործերի բաշխումն իրականացնելիս պետք է հաշվի առնվի դատավորների հիմնական, իսկ առկայության դեպքում՝ նաև առանձին տեսակի գործեր քննելու մասնագիտացումը:
4. Դատավորների միջև գործերը պետք է բաշխվեն տվյալ օրվա նախորդող 365-օրյա ժամանակահատվածում համապատասխան մասնագիտացում ունեցող դատավորներից յուրաքանչյուրին բաշխված (հանձնված) գործերի միջինացված թվով:
5. Վերադաս դատական աստիճանի կողմից բեկանված և նոր քննության համար ստորադաս դատական ուղարկված գործերը պետք է հանձնվի այլ դատավորին (ոչ այն դատավորին, ում կողմից կայացված դատական ակտը բեկանվել և գործն ուղարկվել է նոր քննության):
6. Առանձին տեսակի գործերը պետք է բաշխվեն միայն տվյալ դատարանի համապատասխան մասնագիտացում ունեցող դատավորների միջև: Տվյալ դատարանում (դատարանի նստավայրում) առանձին տեսակի գործեր քննող դատավորների բացակայության դեպքում տվյալ գործերը պետք է բաշխվեն հիմնական մասնագիտացում ունեցող դատավորների միջև:
7. Էլեկտրոնային եղանակով ստացված վճարման կարգադրությունները պետք է բաշխվեն առաջին աստիճանի ընդհանուր իրավասության բոլոր դատարաններում:

Նկարագիր 1-ում ներկայացված ծառայության մատուցման ժամկետը՝ 02.06.2023թ-ից մինչև 30.06.2023թ. ներառյալ: Հիմք ընդունելով ՀՀ քաղաքացիական օրենսգրքի 441-րդ հոդվածի 2-րդ մասի դրույթը՝ կնքվող պայմանագրի պայմանները նկարագիր 1-ում ներկայացված ծառայության մատուցման մասով կիրառվում են մինչև պայմանագիրն ուժի մեջ մտնելը՝ 02.06.2023 թ.-ից կողմերի միջև փաստացի ծագած հարաբերությունների նկատմամբ: /Հիմք ՀՀ կառավարության 01.06.2023թ. թիվ 867-Ն որոշում/

Նկարագիր 2
ձեռքբերվող ծառայության

1. Գործերի բարդության մակարդակը կախված է վիճակագրական տողերից, որոնց չափանիշները Պատվիրատուն պետք է տրամադրի համապատասխան աղյուսակի ձևով:
2. Նույն նորմատիվ իրավական ակտի իրավաչափությունը վիճարկելու վերաբերյալ ներկայացված դիմումը պետք է բաշխվի նույն դատական կազմին, որին բաշխվել է այդ նորմատիվ իրավական ակտի վիճարկման դիմումը:
3. Դատական գործի շրջանակներում ներկայացված միջնորդությունները (դիմումները) պետք է հանձնվեն տվյալ գործը քննող կամ քննած դատավորին, բացառությամբ այն դեպքերի, երբ տվյալ գործը քննող կամ քննած դատավորը գտնվում է արձակուրդում կամ օրենքով սահմանված այլ հիմքով բացակայում է, իսկ միջնորդությունների (դիմումների) քննարկման համար սահմանված են սեղմ դատավարական ժամկետներ: Տվյալ դեպքերում հիշյալ միջնորդությունները (դիմումները) Ծրագրի միջոցով պատահական ընտրությամբ հնարավորինս հավասարաչափ պետք է բաշխվեն տվյալ դատարանի համապատասխան մասնագիտացում ունեցող այլ դատավորների միջև, բացառությամբ դատավորի վարույթում գտնվող քրեական գործերով ներկայացված միջնորդությունների:
4. Նույն անձանց միջև և նույն առարկայի մասին վեճի վերաբերյալ ներկայացված հայցադիմումները, վերադարձված և կրկին ներկայացված հայցադիմումները (դիմումները)՝ անկախ օրենքով սահմանված ժամկետում կրկին ներկայացվելու հանգամանքից, ընդդատության (ենթակայության) կարգով ուղարկված և ընդդատությամբ (ենթակայությամբ) կրկին նույն դատարան վերադարձված գործերը, ինչպես նաև հայցադիմումը (դիմումը) վերադարձնելու, ընդունումը մերժելու մասին որոշումները վերադաս դատական ատյանների կողմից վերացվելու դեպքում Ծրագիրը դրանք պետք է հանձնի նույն դատավորին (նշված դեպքերում ստացված գործերը որպես նոր գործ չեն հաշվարկվում)՝ բացառությամբ այն դեպքերի, երբ տվյալ դատավորը գտնվում է արձակուրդում կամ օրենքով նախատեսված հիմքերից մեկի առկայության հետևանքով որոշակի ժամկետով բացակայում է աշխատանքից կամ նրա անուն-ազգանունը ժամանակավորապես հանված է գործերի բաշխման ցանկից կամ լիազորությունները կասեցվել, դադարել կամ դադարեցվել են: Այս դեպքերում բաշխումը պետք է կատարվի ընդհանուր կարգով:
5. Եթե դատավորն արձակուրդի մեջ է (ներառյալ՝ արձակուրդին նախորդող տասնհինգօրյա ժամանակահատվածը) կամ գործուղվել է այլ դատարան (ներառյալ՝ գործուղմանը նախորդող տասնօրյա ժամանակահատվածը, ինչպես նաև գործուղման ժամանակահատվածի ավարտին նախորդող մեկամսյա ժամկետը) կամ բացակայում է ժամանակավոր անաշխատունակության հետևանքով, կամ նրա լիազորությունները կասեցվել են, կամ նրա պաշտոնավարման ժամկետի ավարտին մնացել է 3 ամիս, ապա այդ դատավորի անուն-ազգանունը համապատասխան ժամկետով, պետք է հանվի

բաշխման ցանկից՝ նշելով իրավական հիմքը և ժամկետը:

6. Այն դեպքերում, երբ քաղաքացիական կամ քրեական մասնագիտացման դատավորը քննում է նաև առանձին տեսակի գործեր, ապա նրան հանձնվող գործերի քանակը չպետք է գերազանցի տվյալ դատարանում քաղաքացիական կամ քրեական մասնագիտացման մեկ դատավորին հանձնվող քաղաքացիական կամ քրեական գործերի քանակը:

Նկարագիր 2-ում ներկայացված ծառայության մատուցման ժամկետը՝ Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից մինչև 30.08.2023թ. ներառյալ:

Նկարագիր 3 ձեռքբերվող ծառայության

1. Դատական գործից մաս անջատվելու դեպքում, այն, որպես նոր գործ պետք է հանձնվի նույն դատավորին, ում կողմից կայացվել է դատական գործից մաս անջատվելու մասին որոշումը: Այն դեպքում, երբ դատավորի վարույթում գտնվող քրեական գործի քննության ընթացքում դատարանը ստանում է տվյալ գործից նախաքննության փուլում անջատված մասը (մասերը), ապա այն պետք է հանձնվի այն դատավորին, ում վարույթում գտնվում է քրեական գործից անջատված մյուս մասը (մասերը):

2. Դատավորի կողմից վարույթ ընդունված քրեական գործը մեղադրողին վերադարձվելու դեպքում այն կրկին դատարան ստացվելուց հետո պետք է հանձնվի նույն դատավորին գործը բաշխելու անհնարինության դեպքում (եթե դատավորն արձակուրդի մեջ է, կամ գործուղվել է այլ դատարան կամ բացակայում է ժամանակավոր անաշխատունակության հետևանքով, կամ նրա լիազորությունները կասեցվել են, ինչպես նաև այլ բացառիկ դեպքերում) այն ընդհանուր կարգով պետք է վերաբաշխվի այլ դատավորի:

3. Վերաքննիչ հակակոռուպցիոն դատարանի գործերը, հակակոռուպցիոն դատարանին ընդդատյա կոռուպցիոն հանցանքների վերաբերյալ մինչդատական վարույթի դատական երաշխիքների վարույթների և բողոքների վերաբերյալ կայացված դատական ակտերի դեմ բողոքները պետք է բաշխվեն Վերաքննիչ քրեական դատարանում կոռուպցիոն հանցագործությունների գործերով բողոքարկման ենթակա դատական ակտերի վերանայումն իրականացնող առանձին դատավոր նշանակված դատավորների միջև:

Նկարագիր 3-ում ներկայացված ծառայության մատուցման ժամկետը՝ Պայմանագրով նախատեսված կողմերի իրավունքների և պարտականությունների կատարման պայմանն ուժի մեջ մտնելու օրվանից մինչև 30.09.2023թ. ներառյալ:

Ծառայության մատուցման հասցեները.

- ք. Երևան, Վազգեն Սարգսյան 5 (Տվյալների կենտրոնի սերվերներ)
- ք. Երևան, Կորյունի 17 (Տվյալների կենտրոնի սերվերներ)
- ք. Երևան, Կորյունի 15/1 (Տվյալների կենտրոնին միանալու սերվեր)

ք. Երևան, Վազգեն Սարգսյան 5 (<< վճռաբեկ դատարանի սերվեր)

ք. Երևան, Թբիլիսյան խճուղի 3/9 (<< հակակոռուպցիոն դատարան: Սերվերը գտնվում է Կորյունի 17 հասցեում)

ք. Ճամբարակ, Գ.Նժդեհ 99/1 (<< հակակոռուպցիոն դատարան: Սերվերը գտնվում է Կորյունի 17 հասցեում)

ք. Վայք, Զերմուկի խճուղի 8 (<< հակակոռուպցիոն դատարանի սերվեր: Սերվերը գտնվում է Կորյունի 17 հասցեում)

ք. Մարալիկ, Հրանտ Շահինյան 198 (<< հակակոռուպցիոն դատարան: Սերվերը գտնվում է Կորյունի 17 հասցեում):

ք. Երևան, Գարեգին Նժդեհի 23/1 (<< վերաքննիչ հակակոռուպցիոն դատարանի սերվեր առանձին) կամ Արա Սարգսյան 5/1

ք. Երևան, Գարեգին Նժդեհի 23 (<< վերաքննիչ քաղաքացիական դատարանի սերվեր)

ք. Երևան, Գարեգին Նժդեհի 23 (<< վերաքննիչ քրեական դատարանի սերվեր)

ք. Երևան, Թբիլիսյան խճուղի 3/9 (<< վերաքննիչ վարչական դատարանի սերվեր)

ք. Երևան, Գարեգին Նժդեհի 23 (<< վարչական դատարանի Երևանի նստավայրի սերվեր)

ք. Գյումրի, Անկախության հրապարակ 7 (<< վարչական դատարանի Գյումրու նստավայրի սերվեր)

ք. Վանաձոր, Մխիթար Գոշի 6 (<< վարչական դատարանի Վանաձորի նստավայրի սերվեր)

ք. Սևան, Աբովյան 6/1 (<< վարչական դատարանի Սևանի նստավայրի սերվեր)

ք. Գորիս, Անկախության 4/1 (<< վարչական դատարանի Գորիսի նստավայրի սերվեր)

ք. Երևան, Օտյան փողոց 53/2 (<< սնանկության դատարանի Երևանի նստավայր: Սերվերը գտնվում է Կորյունի 17 հասցեում)

ք. Ճամբարակ, Գ.Նժդեհ 99/1 (<< սնանկության դատարանի Ճամբարակի նստավայր: Սերվերը գտնվում է Կորյունի 17 հասցեում)

ք. Մարալիկ, Հրանտ Շահինյան 198 (<< սնանկության դատարանի Մարալիկի նստավայր: Սերվերը գտնվում է Կորյունի 17 հասցեում)

ք. Վայք, Զերմուկի խճուղի 8 (<< սնանկության դատարանի Վայքի նստավայր: Սերվերը գտնվում է Կորյունի 17 հասցեում)

ք. Երևան, Տիգրան Մեծի 23/1 (Երևան քաղաքի առաջին ատյանի ընդհանուր իրավասության դատարանի սերվեր: Սերվերը գտնվում է Կորյունի 17 հասցեում)

ք. Երևան, Տիգրան Մեծի 23/1 (Երևան քաղաքի առաջին ատյանի ընդհանուր իրավասության քրեական դատարանի սերվեր: Սերվերը գտնվում է Կորյունի 17 հասցեում)

ք. Երևան, Տիգրան Մեծի 23/1 (Երևան քաղաքի առաջին ատյանի ընդհանուր իրավասության քաղաքացիական դատարանի

- սերվեր: Սերվերը գտնվում է Կոլոյունի 17 հասցեում)
- ք. Երևան, Տիգրան Մեծի 23/1 (Երևան քաղաքի առաջին ատյանի ընդհանուր իրավասության քրեական դատարանի Կենտրոն նստավայրի սերվեր)
- ք. Երևան, Նազարբեկյան թաղ. 40 (Երևան քաղաքի առաջին ատյանի ընդհանուր իրավասության քրեական դատարանի Աջափնյակ 1 նստավայրի սերվեր)
- ք. Երևան, Գյուլիքիսկյան 20 (Երևան քաղաքի առաջին ատյանի ընդհանուր իրավասության քրեական դատարանի Ավան նստավայրի սերվեր)
- ք. Երևան, Արշակունյաց պողոտա 24/1 (Երևան քաղաքի առաջին ատյանի ընդհանուր իրավասության քրեական դատարանի Շենգավիթ նստավայրի սերվեր)
- ք. Երևան, Հրաչյա Ներսիսյան 10 (Երևան քաղաքի առաջին ատյանի ընդհանուր իրավասության քաղաքացիական դատարանի Արաբկիր նստավայրի սերվեր)
- ք. Երևան, Մովսես Խորենացի 162ա (Երևան քաղաքի առաջին ատյանի ընդհանուր իրավասության քաղաքացիական դատարանի Էրեբունի նստավայրի սերվեր)
- ք. Երևան, Օսյան փողոց 53/2 (Մալաթիա-Սեբաստիա վարչական շրջանի ընդհանուր իրավասության դատարանի նախկին սերվեր)
- ք. Հրազդան, Միկրոշրջան թաղամաս, 13փ. 1/1 (Կոտայքի մարզի առաջին ատյանի ընդհանուր իրավասության դատարանի սերվեր)
- ք. Չարենցավան, Երիտասարդության 2/1 (Կոտայքի մարզի առաջին ատյանի ընդհանուր իրավասության դատարանի Չարենցավանի նստավայրի սերվեր)
- ք. Եղվարդ, Չարենցի 29 (Կոտայքի մարզի առաջին ատյանի ընդհանուր իրավասության դատարանի Եղվարդի նստավայրի սերվեր)
- ք. Արովյան, Կոտայքի 8 (Կոտայքի մարզի առաջին ատյանի ընդհանուր իրավասության դատարանի Արովյանի նստավայրի սերվեր)
- ք. Արտաշատ, Շահումյան 19 (Արարատի և Վայոց ձորի մարզերի առաջին ատյանի ընդհանուր իրավասության դատարանի սերվեր)
- ք. Մասիս, Հերացու 26/31 (Արարատի և Վայոց ձորի մարզերի առաջին ատյանի ընդհանուր իրավասության դատարանի Մասիսի նստավայրի սերվեր)
- ք. Վեդի, Թումանյան 1 (Արարատի և Վայոց ձորի մարզերի առաջին ատյանի ընդհանուր իրավասության դատարանի Վեդու նստավայրի սերվեր)

- ք. Եղեգնաձոր, Միկոյան 23 (Արարատի և Վայոց ձորի մարզերի առաջին աստյանի ընդհանուր իրավասության դատարանի Եղեգնաձորի նստավայրի սերվեր)
- ք. Վայք, Զերմուկի խճուղի 8 (Արարատի և Վայոց ձորի մարզերի առաջին աստյանի ընդհանուր իրավասության դատարանի Վայքի նստավայրի սերվեր)
- ք. Արմավիր, Հանրապետության 41 (Արմավիրի մարզի առաջին աստյանի ընդհանուր իրավասության դատարան: Սերվերը գտնվում է Կոլյունի 17 հասցեում)
- ք. Էջմիածին, Կամոյի 15 (Արմավիրի մարզի առաջին աստյանի ընդհանուր իրավասության դատարանի Էջմիածնի նստավայր: Սերվերը գտնվում է Կոլյունի 17 հասցեում)
- ք. Աշտարակ, Տիգրան Մեծի 65 (Արագածոտնի մարզի առաջին աստյանի ընդհանուր իրավասության դատարանի սերվեր)
- ք. Ապարան, Գայի 11 (Արագածոտնի մարզի առաջին աստյանի ընդհանուր իրավասության դատարանի Ապարանի նստավայրի սերվեր)
- ք. Թալին, Խանջյան 13 (Արագածոտնի մարզի առաջին աստյանի ընդհանուր իրավասության դատարանի Թալինի նստավայրի սերվեր)
- ք. Իջևան, Նալբանդյան 1/1 (Տավուշի մարզի առաջին աստյանի ընդհանուր իրավասության դատարանի սերվեր)
- ք. Դիլիջան, Շահումյան 15 (Տավուշի մարզի առաջին աստյանի ընդհանուր իրավասության դատարանի Դիլիջանի նստավայրի սերվեր)
- ք. Նոյեմբերյան, Կամոյի 2 (Տավուշի մարզի առաջին աստյանի ընդհանուր իրավասության դատարանի Նոյեմբերյանի նստավայրի սերվեր)
- ք. Բերդ, Ալգեստան 49ա (Տավուշի մարզի առաջին աստյանի ընդհանուր իրավասության դատարանի Բերդի նստավայրի սերվեր)
- ք. Գավառ, Սայադյան 18 (Գեղարքունիքի մարզի առաջին աստյանի ընդհանուր իրավասության դատարան: Սերվերը գտնվում է Կոլյունի 17 հասցեում)
- ք. Սևան, Աբովյան 6/1 (Գեղարքունիքի մարզի առաջին աստյանի ընդհանուր իրավասության դատարանի Սևանի նստավայրի սերվեր)
- ք. Մարտունի, Շահումյան 9 (Գեղարքունիքի մարզի առաջին աստյանի ընդհանուր իրավասության դատարանի Մարտունու նստավայրի սերվեր)
- ք. Վարդենիս, Լ.Ազգալոյան 1-ին նրբանցք, շենք 3 (Գեղարքունիքի մարզի առաջին աստյանի ընդհանուր իրավասության

դատարանի Վարդենիսի նստավայրի սերվեր)

ք. Ճամբարակ, Գ.Նժդեհ 99/1 (Գեղարքունիքի մարզի առաջին աստիճանի ընդհանուր իրավասության դատարանի Ճամբարակի նստավայրի սերվեր)

ք. Վանաձոր, Մխիթար Գոշի 6 (Լոռու մարզի առաջին աստիճանի ընդհանուր իրավասության դատարանի սերվեր)

ք. Ալավերդի, Թումանյան 1 (Լոռու մարզի առաջին աստիճանի ընդհանուր իրավասության դատարանի Ալավերդու նստավայրի սերվեր)

ք. Տաշիր, Զահուկյան 19 (Լոռու մարզի առաջին աստիճանի ընդհանուր իրավասության դատարանի Տաշիրի նստավայրի սերվեր)

ք. Սպիտակ, Ալեք Մանուկյան 2 նրբ. 10 (Լոռու մարզի առաջին աստիճանի ընդհանուր իրավասության դատարանի Սպիտակի նստավայրի սերվեր)

ք. Ստեփանավան, Սուրբ Վարդանի 53 (Լոռու մարզի առաջին աստիճանի ընդհանուր իրավասության դատարանի Ստեփանավանի նստավայրի սերվեր)

ք. Կապան, Մելիք Ստեփանյան 3/2 (Սյունիքի մարզի առաջին աստիճանի ընդհանուր իրավասության դատարանի սերվեր)

ք. Գորիս, Անկախության 4/1 (Սյունիքի մարզի առաջին աստիճանի ընդհանուր իրավասության դատարանի Գորիսի նստավայրի սերվեր)

ք. Սիսիան, Գարեգին Նժդեհի 6 (Սյունիքի մարզի առաջին աստիճանի ընդհանուր իրավասության դատարանի Սիսիանի նստավայրի սերվեր)

ք. Մեղրի, Հորավար Անդրանիկ 24/1 (Սյունիքի մարզի առաջին աստիճանի ընդհանուր իրավասության դատարանի Մեղրիի նստավայրի սերվեր)

ք. Գյումրի, Անկախության հրապարակ 7 (Շիրակի մարզի առաջին ատյանի ընդհանուր իրավասության դատարանի սերվեր)
 ք. Արթիկ, Բաղրամյան 40 (Շիրակի մարզի առաջին ատյանի ընդհանուր իրավասության դատարանի Արթիկի նստավայրի սերվեր)
 ք. Մարալիկ, Հրանտ Շահինյան 198 (Շիրակի մարզի առաջին ատյանի ընդհանուր իրավասության դատարանի Մարալիկի նստավայրի սերվեր):

Պ Ա Տ Վ Ի Ր Ա Տ ՈՒ

Դատական դեպարտամենտ

Հասցե՝ ք. Երևան, Կոյունի 15/1

ՀՎՀՀ՝ 02583241

Հ/Հ՝ 900011192151

ՀՀ ՖՆ գործառնական վարչություն

Ղեկավարի պարտավանությունները
կատարող՝ Ն. Գալստյան



Կ Ա Տ Ա Ր Ո Ղ

«ՄԵՅՄԻՍ ԻՆՖՈՐՄԵՅՇՆ ՄԻՍԹԵՄՍ» ՍՊԸ


Հասցե՝ ք. Երևան, Արաբկիր 25փ. 25տ.

ՀՎՀՀ՝ 01555207

Հ/Հ՝ 1570003653770100

«ԱՄԵՐԻԱԲԱՆԿ» ՓԲԸ

Տնօրեն՝ Ա. Մանգուկյան



***Ծառայությունների մատուցման գնացուցակ**

ՀՀ դրամ

Ծառայության անվանումը	Ծառայության մատուցման գինը	
Ծրագրային ապահովման սպասարկման ծառայություններ («Դատական համակարգ» համակարգչային ծրագրի (CAST) սպասարկման ծառայություններ)	Նկարագիր 1-ում ներկայացված ծառայության մատուցում	5 000 000
	Նկարագիր 2-ում ներկայացված ծառայության մատուցում	5 000 000
	Նկարագիր 3-ում ներկայացված ծառայության մատուցում	5 000 000
ԸՆԴԱՄԵՆԸ		15 000 000

Պ Ա Տ Վ Ի Ր Ա Տ ՈՒ

Դատական դեպարտամենտ


Հասցե՝ ք. Երևան, Կոռյունի 15/1

ՀՎՀՀ՝ 02583241

Հ/Հ՝ 900011192151

ՀՀ ՖՆ գործառնական վարչություն

Ղեկավարի պարտականությունները
կատարող՝ Ն. Գալստյան


(ստորագրություն)

Կ.Տ.

Կ Ա Տ Ա Ր Ո Ղ

«ՄԵՅՄԻՍ ԻՆՖՈՐՄԵՅՇՆ ՍԻՍԹԵՄՍ» ՍՊԸ

Հասցե՝ ք. Երևան, Դ. Անհաղթ 23/22

ՀՎՀՀ՝ 01555207

Հ/Հ՝ 1570003653770100

«Ամերիաբանկ» ՓԲԸ

Տնօրեն՝ Ա. Մանուկյան


(ստորագրություն)


ՎՃԱՐՄԱՆ ԺԱՄԱՆԱԿԱՑՈՒՅՑ*

ՀՀ դրամ

Հախարածն ի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգմ ան (CPV)	անվանումը	Ծառայության դիմաց վճարումները նախատեսվում է իրականացնել 2023 թ-ին՝ ըստ ամիսների, այդ թվում						Ընդամենը
			հունիս	հուլիս	օգոստոս	սեպտեմբեր	հոկտեմբեր	նոյեմբեր	
1	72261160/1	Ծրագրային ապահովման սպասարկման ծառայություններ («Դատական համակարգ» համակարգչային ծրագրի (CAST) սպասարկման ծառայություններ)	5 000 000	5 000 000	10 000 000	15 000 000	15 000 000	15 000 000	15 000 000

* Վճարման ենթակա գումարները ներկայացվում են աճողական կարգով:

Դատական դեպարտամենտ

Հասցե՝ ք. Երևան, Կորյունի 15/1

ՀՎՀՀ՝ 02583241

Հ/Հ՝ 900011192151

ՀՀ ՖՆ գործառնական վարչություն

Ղեկավարի պարտականությունները
կատարող՝ Ն. Գալստյան

(ստորագրություն)

Կ.Տ.

Կ Ա Տ Ա Ր Ո Ղ

«ՄԵՅՍԻՍ ԻՆՖՈՐՄԵՅՇՆ ՍԻՍԹԵՄՍ» ՍՊԸ

Հասցե՝ ք. Երևան, Դ. Անհաղթ 23/22

ՀՎՀՀ՝ 01555207

Հ/Հ՝ 1570003653770100

«Ամերիաբանկ» ՓԲԸ

Տնօրեն՝ Ա. Մանուկյան

(ստորագրություն)



Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N _____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	Մատուցված ծառայությունների							
		տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն
Կ.Տ.

Ծառայությունն ընդունեց

ստորագրություն

ազգանուն, անուն
Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
գնման պայմանագրի շրջանակներում Կատարողը 20 թ. _____-ին հանձնման-ընդունման
նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն